

menjelaskan bahawa agama Islam ialah “agama dan kemajuan hidup” - (Din wa Madiniyyah) yang sesuai bagi tiap-tiap tempat dan tiap-tiap zaman.

Pada tahun 1901 keluar pula kitabnya yang kedua “Jawahir Ulum” (Permata-permata Pengetahuan) yang memperikan keindahan ilmu, kitab ini di susun oleh as-Syeikh Tantawi menurut jejak buku-buku falsafah orang-orang yang terdahulu seperti :

Risalah “Hai Bin Yakzan”

Buku-buku falsafah karangan ahli falsafah Inggeris Sir Thomas More”

Buku “Amil” karangan “Jean Jacque Rousseau” (Jean J Rousseau 1712-1778) dan buku “Ala ad-Din” karangan Ali Mubarak Basha.

Setelah itu as-Syeikh Tantawi mara terus memeras otaknya, lalu dikeluarkannya pula beberapa buah buku yang terbilang seperti bukunya iaitu al-Insan” (di mana manusia itu) yakni bagaimana letak kedudukannya yang sebenar. Dalam karangan ini beliau telah menurut jejak “Huxley” (T H Huxley 1825-95) di dalam buku karangannya yang bernama “letak kedudukan manusia di alam tabii” (tetapi as-Syeikh Tantawi telah menyesuaikan aliran itu dengan ajaran Islam – P)

Akhirnya al-Alamah Tantawi telah berjaya menyusun sebuah tafsir Quran bernama tafsir “al-Jawahir” yang lengkap. (dan yang sudah dicetak setebal dua puluh lima jilid sebelum daripada beliau meninggal dunia – P)

Sungguh menggembirakan tatkala melihat tersiarnya kitab-kitab karangan beliau dengan luasnya di seluruh dunia Islam dan kebanyakannya telah tersalin ke dalam bahasa-bahasa asing. Mudah-mudahan Tuhan perbanyakkan orang yang seumpamanya – Kata Tuan Lutfi Jumaah menutup tulisannya itu.

-----*-----*-----

Dalam keluaran majalah Qalam yang akan datang akan dijelaskan bagaimana penghargaan falsafah dan pendeta-pendeta Barat kepada Almarhum bapa falsafah Islam yang masyhur ini.

SUAMI

Segala kewajipan mesti kemas

S

Susah payah tak tau rimas

Siapkan dahulu sebelum cemas

Sama ada perak atu pun emas

S

Waras berfikir setiap waktu

W

Waktu bercakap malulah tentu

Waad yak yin tak boleh iaitu

Walang was was jangan disitu

W

Ingat isteri bukan sahaya

A

Apa alatan mesti sedia

Ikutlah syarak Islam yang mulia

Inilah jalan yang amat selia

A

Menjaga maruah siang malam

M

Menunaikan pula kehendak alam

Mertua ipar tak dicelum celam

Malu dan santun sentiasa bersulam

M

Yakin kepada diri sendiri

Y

Yang boleh menyara kemahuan isteri

Yang mana buruk hendaklah digari

Yang mana molek itulah di selongkari

Y

Harun D. L. Singapura